



Inatsisartunut ilaasortaq Aleqa Hammond, Siumut

Aatsitassarsiornermik suliaasaqarfimmi pikkorissartitsisarnerit ilinniartitaanerillu pillugit § 36 naapertorlugu apeqqummut 2010-132-mut akissut

Apeqqut:

Aatsitassarsiornermut pilersaaruteqarpassuit ukiuni aggersuni aallartinneqartussaasut pillugit Naalakkersuisunut apeqquteqarumavunga imaattunik:

Sisimiuni aatsitassarsiornermut tunngasutigut ilinniartitsinerup avataatigut aatsitassarsiorniarluni suliumasunut sunik pikkorissaanermet pilersaaruteqarpa? Qaarusulerinermet, uuliasiornermet, sillimaniarnermet qatserisartoqarnermet allatigullu pingaaruteqartutigut qanoq pilersaaruteqartoqarpa. Pilersaaruteqartoqarpallu qanoq isiornikkut innuttaasunut paasissutissiissutigineqarlunilu peqataatitsisoqassava?

Akissut:

Aallarniutigalugu Naalakkersuisut aatsitassarsiornermet tunngasuni piginnaasanik ineri-artortitsineq ilinniartitsinerlu pillugit pilersaarutaat pillugit apeqqutinnut Naalakkersuisut sinnerlugit qutsavigissavakkit.

Sisimiuni qaarusulerinermet sanaartornermullu ilinniarfik nutaaq 2010-mi aggustimi atulissaaq, kiisalu aatsitassanut tunngasuni pikkorissartitsinerit Naalakkersuisunit neqero-orutigineqartut amerlanersaat ilinniarfimmi tassani pisapput. Tamanna pikkorissartitsinerit aatsitassanik paaanermut tunngatinneqartut amerlanersaanni atortunik isumannaallisaanernillu qaarusulerinermet sanaartornermullu ilinniarfimmiinnaq pigineqartunik pisariaqartitsiviunerinut atavoq. Taamaattorli aatsitassarsioqatigiiffiit suleqatigalugit pikkorissartitsinerit ataasiakkaat aatsitassanik paaaffiusumi pisinnaanissaat naatsorsuutigineqarpoq.

Aammattaaq tuluttut pikkorissartitsinerit nunatsinni sumiiffinni tamani pisinnaapput. Oqaatsinik Pikkorissarfik ukiuni kingullerni illoqarfiit amerlanersaanni "aatsitassanut tunngatillugu tuluttut" pikkorissartitsisarsimavoq suliniarnerlu tamanna nangingneqassaaq. Inunnut aatsitassarsiornermik suliaqarusuttunut pingaartumik isumannaallisaanermut tunngasut pissutigalugit pikkorissartitsinerup "aatsitassanut tunngatillugu tuluttut" naam-massisimanissaa pisariaqarpoq.

Isumannaallisaanermut tunngasuni Search & Rescue-mi (ujaasineq annaassiniarnerlu) pikkorissartitsineq nunap iluani paaavinni sulisunut atugassiaq maanna suliarineqaleruttorpoq 2011-mi aallartinneqarnissaa siunertaralugu, kiisalu uuliasiornermet tunngasuni qaarusulerinermet sanaartornermullu ilinniarfimmit qanittukut Canadami Danmarkimilu

28. juni 2010
Sagsnr. 2010-033095
Dok. Nr. 404363

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@nanoq.gl
www.nanoq.gl

ilinniarfiit attuumassutillit attavigineqarsimapput suliassaqarfimmi ilinniartitsisalnissaq siunertarlugu.

Aatsitassarsiornermut tunngasuni sulisut amerliartornissaasa nukittorsarluarneqarnissaa neriuutigalugu Naalakkersuisut 2011-mi qaaruserinermut sanaartornermullu tunngasuni tunngaviusumik inuussutissarsiummut ilinniartitaanermik aallartitsiniarput. Inuusutunut ilinniarfeqartitsinissaq svenditut misilitsiffiusartussaag ilinniaqqinnissamullu periarfissaqartitsinissaq pilersaarutaavoq, tassa inuussutissarsiutinut ilinniartitaanerit allat asigilluinnarlugit.

Aatsitassanik suliassaqarfimmi pilersaarutit periarfissallu pillugit innuttaasunut paasissutissiisarnermut tunngatillugu Naalakkersuisut naatsorsuutigaat suliassaq taanna ilisimasaqarfimmit qaaruserinermut sanaartornermullu ilinniarfimmut atasumik pilersinniarneqaleruttortumit kiisalu ilinniarfimmut peqatigitillugu aggustip qaammataani atoqqaartinneqassanganneqartumit isumagineqarumaartoq. Iisimasaqarfik ingerlatseqatigiiffinnut, suliffissarsiuussisarfinnut ilinniarfinnullu attaveqartuassaaq suliassallu pingaarnert ilagissavaat avammut ingerlatallillu akornanni paasissutissiisarnissaq. Ilinniartitaanermut suliffeqartitsinermullu atatillugu ilinniartussarsiorlunilu sulisussarsiorneq taamatuttaaq ilisimasaqarfiup pingaarnertut suliassarissavaa.

Inussiarnersumik inuulluaqqusilluta

Mimi Karlsen